

平度縣鄉土誌

地

150.33

1539.1

154

平度鄉土志卷一

歷史

平度自漢置侯國而戰國時已稱膠東歷代割隸不一間有僑置謹從正史及各地志紀之列於左

唐虞夏為萊屬地屬青州

商為萊侯國地

周初為萊之棠邑魯襄公六年齊滅萊棠併於齊戰國時為即墨屬田齊

秦置即墨縣棠降為鄉

漢置膠東國平度為屬縣又為侯國隸青州

魏晉十六國皆為膠東盧鄉即即墨隸青州

元魏併為長廣郡置長廣縣屬光州

北齊北周同

隋改長廣為膠水縣屬東萊郡隸青州

唐仍縣名屬萊州隸淄青平盧節度使


後五代同

宋金元皆屬萊州

明改置平度州統濰縣昌邑屬萊州

國朝降為散州屬萊州隸山東布政使司





魯一同邳州志謂

本朝州縣官習凡三變而皆洞悉其原因識何卓也今新政備舉一變至道不式先民而徒襲外人之規則邯鄲步矣謹詳錄政績而名宦因以著焉

齊即墨大夫逸其名威王台而語之曰自子之居即墨也毀言日至然吾使人視即墨田野闢人民給官無留事東方以寧是子不事吾左右以求譽也封之萬家

田單齊諸田疏屬燕樂毅破齊單東保即墨城中推為將軍以拒燕單計破燕軍復七十餘城迎襄王立之詳文記本傳

關門慶忌漢膠東內史治官民皆有廉即學官弟子至大夫郎中掌故以百數詳漢書儒林傳

張敞字子高平陽人漢宣宗時膠東盜起敞自請治之拜膠東相明設購賞史追捕有功上名尚書調補縣令者數十人盜轉相捕斬國遂以平遷京兆尹詳漢書本傳祀名宦

吳祐字季英漢長垣人為膠東侯相政推仁簡以身率物有爭訢者輒閉閤自責然後以道譬之或身到閭里重相合解吏人懷而不欺還嗇夫繇性之衣取母邱長之妻獄中生子事俱詳本

傳記名官

王脩字叔治三國志營陵人守膠東令膠東人公沙盧宗強自為營壘不應調發修獨將數騎徑入其門斬盧兄弟撫慰其餘平之屢救孔融之難袁譚兄弟相攻脩切諫譚死降魏太祖欲行肉刑脩以為未可詳本傳

蔡綰洛陽人米初為膠水令循行阡陌勸課農桑吏民愛戴不忍去遂家焉曾孫齊宋史有傳記名官

劉厚洪武時任值平度改縣為州轄昌灘而城垣卑陋厚枹工因舊地而復城焉為有明州城之始

王瑄水樂時為州同洪熙元年裁冗員民言其能恤民瘼戢吏弊請復其職上從之

林恭寶雞人成化時任知州積粟數萬石歲饑民賴以濟祀名官

雷子堅綏德人正德間任知州流賊至脩城池備儲械賊知有備引去以抗論將帥失利當道惡之落職臨行留所積五百金於官祀名官

周思兼字叔夜華亭人嘉靖進士任知州躬巡郊野攜飯盂令鄉民以次舁行因畫得閭閻疾苦而蠲除之舉治行第一當遷州人走闕下以請乃留一年終廣西提學使詳明史本傳祀名官

杜志攀鄆縣人崇正時任知州明敏奮發擇民所急而為之以四方多故

土城卑薄乃採石傳城高厚增於舊三尺創三門樓櫓以餘資徧理廢墮文廟及狀元坊至今與城並固

李世昌鐵嶺人康熙三年任知州初賦役征額有京庫甲子庫棉花水膠等本色名目皆出正供外胥吏更於額徵之民不堪擾世昌一切革之豪猾歛迹民賴以甦

潘育岳康熙三十二年任嚴於詰盜夜戶不閉

溫文桂程鄉人康熙五十二年任州同署州事雍正初遣內閣學士何國宗視膠萊河文桂時已遷他職條奏膠萊河形勢臣為州同時所目覩不可行糧艘惟兩岸民田破水藉河為宣洩宜用民方疏濬則民不

怨而田無水患國宗採其議與山東巡撫會奏止膠萊河海運

陳端秦州人雍正九年任下車即免署中陋規時徵賦擾民端採行滾單之法不柄任胥吏里無這呼而輸將自給

王化南字蒂棠乾隆二十四年由庶常任知州明敏仁悌達於時務州南鄙多下濕水潦為害化南相地勢疏濬引峴河入膠並濬道守白沙河及羅藥河洄出腴田數千頃更圓明寺為

萬壽亭並設膠東書院民至今賴之祀名宦

張度夏邑人乾隆四十八年任巡撫國泰入昌邑奸民言劾州縣按畝出夫築海隄令民墾斥鹵起課民不堪命度申於上止之新撫奏停其

役沿海民咸頌之中文畧云昌邑王汝梅思佔海濱田輒敢上書請築堤前撫未察輒以請行有司知民之苦無敢違者生令良農築糜沙難立之役歲受北風湛溺之害卑州之民隕命破家者已數百人他縣可知也州縣為民司牧此而不言不仁莫大焉敢乞奏止以蘇民命俾度等免溺職之罪云

馬振玉大荔人嘉慶十年任勤於聽斷無留獄治盜能為鉤距絕其根蔓祀名宦

方熙石埭人道光三年任洞達政體不煦煦為姑息州徵地丁舊例六厘以上即徵盈分熙間之大驚焉曰凡竒零之征多下戶何可復重之以困窮黎立除之雖八厘勿得及分重抑豪暴獲盜即置重典羣小股票民賴以安調山西渾源州聞平度大饑捐銀千兩來賑祀名宦

李天錫字與三安邑人道光十年任慈惠仁明刑不忘施諸生有傭車糞田者役傾所載於途而以其車送囚生訴於學正孔廣敷廣敷以為言天錫立答役而還傭車謂廣敷曰君真導吾以為理者察采之誣不當如是耶遂捐俸置公田取租以供催役盡免民戶車馬差四境刊石頌德外此設義學恤貧苦惠政不勝書調德州聞平度饑寄千金助賑祀名宦

許榷海甯人道光十六年任善聽訟他邑有疑獄上官檄治之多所平反著有刑部比照加減成案續編洗冤錄詳義行世亦祀名宦

袁蘭祥字穆菴丹徒人同治九年署州事明豁開敏幹練有為甫入

境即出重賞購盜嚴督捕快雀符為清設義學四十餘處大興文教
高密令周某挑五龍河灌膠萊河上游平度西鄉將為澤國蘭祥率
紳民訟諸撫憲丁文誠公得直飭罷其役任一年即去民至今思之

吉燦升字劍華韓城縣人同治十年任明強有成惠抑豪強禁吏胥
尤崇文教予自批課造就多名士捐錢六千緡為士子公車路費州
之吏役伍百至千百人一見即識之不忘實行保甲訟無遁情以卓異
升濟東泰武臨道

潘民表字振聲無錫人光緒二十二年任愛民如子遠利如仇德人踞
膠澳議租界四周海與地平百里德人謬指界外數百里割平度至

萊蘭包膠高即西割諸城繪圖索地道憲已依議民表免冠抗辦

以去任爭之乃止

申文曰卑職初八日接彭李兩道札飭赴青島途中又接信改赴塔
埠待至十四夜兩道始到原議面商阻止無如王令等同洋人前往

即高平諸指界大約周道總在七八百里卑職久未任署亦未知可到平境否但日前雖約
畧指予將來恐即為彼有卑職職司守土不得不據情上稟懇求速退竊前觀憲台致
兩道電云惟膠即與租界近須出示餘俱遠可無庸是諸高平本不在界內細繹租界
文義第一段是訂明租界里數第二段是訂明租界限止此此百里非有兩端且第一段
云允許離膠澳海面潮平周偏百里內中國里百里曰允許是已訂明白周偏百里是言
周非言建方曰潮平百里內是言潮平內非言潮平外又曰增武備威准德國過調是言
以地與之屯兵駐船悉聽其便所以中國若須設法猶必與相商至開河是言陳島
內濠南濠北各庄有旱道一段開通船路以接兩海原在租界是以中國不得阻攔即
此二端是明明言膠澳潮平內租界百里非言膠澳潮平外更有百里彭明較著且是
開章第一義果潮平外另有百里劃界前總署早應照會何以遲至劃界完始
發此議是明明嫌租界尚未滿欲猶思狡展塔埠旱路離青島百四里再加諸高
平百里渠即過調亦何須如此遠擴又內地劃處皆民田舍廬墓若任其隨意開河恐人
心不服又易啟釁端今竟含糊指予在我以為約畧指示在彼即以為確實證據將來

照第一段索地恐五州縣皆非我有在朝廷僅許以周圍百里劃界後忽添以七八百里奚
止十倍之外閒雖可彌縫恐難塞言官之口皆將誰歸俄英耳目甚近相率效尤
國家又何應付素稔大人公忠休國亦不願多以土地予人所幸此時尚未立界石猶
可設法挽回尚祈將詳細情形剴切入告祇能照約予以百里此外不知轉達總
署與該公使切實辨明不能界外指界今此所為係會勘委員誤會文義祇此
一事看作兩端轉詢德使得步進步與鑄錄便生枝節殊不知各國環視德
入獨貪得無厭旁觀不平恐非德人之福作為罷論正可兩全否則五州縣人民自
去歲青島有事人情已覺洶洶今又將界外地亦指與洋人恐眾憤難平激成事
變萬一與洋人為難又將已宵旰之憂鄙見是否有當伏候憲裁卑職素有肝病
現因憂勞更形增劇懇稜恐致溺職惟求憲台速賜簡派賢員前來接替東
裝以待不勝悚惶民表性本迂拘不達時務寧可去官不能送地也

班志以兵事屬刑法申之曰大刑於原野與近時天演家之旨實相發明平度地瘠民樸無物競之進點故自明季兵燹後無大創痍今頗少變矣不競於實學而競於侈不競於合羣而競於私天擇若至懼有大刑焉可弗驚焉懼乎謹遵例目之三志兵事

周靈王五年齊晏弱率師圍萊大夫王湫正與子率棠人軍齊師敗於齊萊子奔棠晏弱圍棠卒滅萊棠即州境之棠田俗名棠頭孟子請齊王發棠即此地

周赧王三十一年燕樂毅率師破齊遣左軍徇膠東臨淄市掠田單以其宗奔即墨古即墨城即朱毛城

三十五年樂毅師圍即墨即墨人立田單為將軍以拒燕

三十六年燕以騎劫代樂毅田單以即墨人擊破燕軍殺騎劫盡復齊七十餘城齊封單安平君詳史記田單傳

楚義帝元年六月田榮追殺膠東王田市項羽於即墨

漢高帝四年韓信襲破齊走其王田廣齊將軍田既軍膠東信遣曹參擊既殺之立膠東郡詳史記

景帝三年膠東王雄渠發兵應吳楚反伏詳史記

王莽始建國元年徐鄉侯劉快起兵誅莽攻即墨地不克死之莽

更即墨為即墨光武帝十三年復改為即墨

漢光武帝建武二年劉永使其大將軍張步徇膠東

明武宗正德六年流賊劉六等寇平度雷子堅守城陸完師次平度

愍帝崇正五年二月叛將孔有德陳有特陷州城知州陳所問死之州同盧宏允吏目方增緯皆死

四月劉澤清帥師救萊州遇賊而潰退駐平度

賊焚督師劉宇烈輜重糧草八百車宇烈使都司王文晟統輜重督運糧草渡新河遇賊而逃賊殺運糧百姓於城子河

畔白骨如麻宇烈棄昌邑走

七月賊復攻平度總兵陳洪範劉澤清禦之副將牟文綬何維忠帥師來援與賊戰於門村敗績維忠死之

賊屠州南窩舖村義民張前渠全家死之

八月大兵渡新河監紀謝御史三賓監護高啟潛監視呂直總兵金國奇鄧奇副弼祖寬張輜前總兵吳襄父子皆亂流渡即進至沙河撫朱大典

駐新河居守萊寇平

崇正十三年壬午州城陷於賊

國朝康熙元年棲霞賊于七掠州東境生員于子林擊退之是年七餘

黨後至據朱毛城子林率鄉勇與即墨參將劉某協勦平之自于

七後後平度民安耕鑿袍鼓罕鳴者殆二百年迨咸豐元年粵匪陷金

陵四年陷臨清人心惶駭至十年春擒匪張落刑之黨陷安邱平度始

議城守至八月而擒黨李成張閔刑趙浩然等由莒州日照入登萊

平度適當其衝雖城郭尚完而焚屠村堡驅掠人畜百姓晝夜駭竄死傷屬道者兩閱月時山東巡撫譚廷襄東向未發一兵而經畧僧忠親王方以突騎與賊馳遂曹濟間賊遂縱橫登萊之界恣意盤桓所過村莊或攻或否屢有戰事承平久民不知兵無損於賊而多死壯士傷已其可數者立巖溝之戰雲臺山之戰采村之戰涇埠之戰白埠之戰仲家之戰皆以衆寡不敵致敗而仲家一村獨完九月抄賊大股出山東境入江南餘賊由萊海回者分工股一圓高密城掠安邱西南一由濰縣西竄十月平度解嚴

擒匪飽掠而去州民始知築圩子弟棄書業習槍械風鶴之警言無日不聞三年後民漸復業而同治六年粵匪賴汶沈皖匪任柱牛烙紅李允等率賊七八萬復竄山東六月二十五日州西鄙見賊騎二十六日賊大至戈戟如林煙燄蔽日南北布隊橫六十里疾馳東下無暇圍掠山東巡撫丁寶楨自將追賊先使前敵王正超王心安楊飛熊躡賊並行二十七夜襲之於城東之麻藥堡卯戰至酉大捷與賊數千二十九日寶楨軍至城西之張奇庄潘鼎新進壁平度李奇庄當是時經畧李鴻章及直東豫皖楚五省督撫合議偪賊登萊絕地先防運何以杜出路次扼膠河以斷咽喉賊蹤已向膠東遂堅持捐棄登萊之議諸軍於膠河西岸分築牆惟平度汎地為多劉銘傳駐瓦廟口

南至大城潘鼎新駐新河北至海灘土鬆不能板築改由新河南紮
至灘河之東就平地築濠三十餘里董鳳高沈宏富自大城守至
吳家口王成謙自吳家口守至南海柳林口七月初二日宋慶帥毅軍
十二營抵新河守至楊家園與銘傳軍連營寶楨奏言前敵各軍
暫行調回築牆實以賊既有可圖之機不容貪目前而昧大計然自
各軍不向河東急追河東城寨日來告急臣因全局所繫隱忍不
東負疚吏民愧痛交集冀防局一定急催李鴻章前進臣仍須渡河
親督諸軍力勦以顧地方斷不忍棄河東百姓任賊蹂躪而不顧七月
朔賊撲王成謙壁壘十六日又犯新河宋慶壁皆為官軍渡河擊退
維特海水日落自昌邑之石灣北至下營海口洩出沙陸九十餘里東
軍不敷分布由新安庄以北四十里無兵無牆留王心安西營暫守再
議增兵而賊已偵知二十日卯刻賊全股由海灘沿牆向昌邑之新安庄
潮海集衝出諸軍拔營追賊幸運河防嚴賊不得逸出九月飛熊
軍陣斬牛遊十月銘傳善慶追賊至贛榆任柱中槍死十二月道員
吳毓蘭擣汶沆於揚州之瓦窰鋪偽衛生李允降於李世忠安徽巡撫
英翰斬之壽州東捻平

光緒二十年甲午日本擾高麗我師敗於平壤敵軍至遼陽分軍擾
登州由成山登岸掠文榮時撫帥李秉衡自將至烟台後軍運輜重道

出平度檄僱民車州牧茅恩綬大括民間牲口比戶查記牛驢皆藉之盡
胥里魁因之苛斂大為民病撫帥知之參徹革職光緒二十三年丁酉德人

龍下踞青島因北洋總兵章高元登州鎮總兵夏辛酉統東字十三營

駐劄平度 夏公字庚堂鄆城人以行伍積功至協鎮從左文襄公平西捻入關汪回匪肅

營規愛士卒每戰身先陷陣所向無前文襄以撲勇善戰特授總兵
與張勳果公同出嘉峪關絕沙漠畧伊犁回匪平文襄與俄人定約遂歸四年東衡撫
山東值中日開戰特起之檄至公在田川豆即日束裝至任日人兵艦圍攻水城礮子墜蓬萊
閣文武官皆遁公帶親兵數十礮雨中步上沙城登及半回顧親軍皆散惟一小僮隨公曰爾小子
胡不逃命僮曰大人不惜死童子何惜公笑而頷之及登城守陣者欲遁公勒以軍法乃止
昇鎮海大礮公自執之火不燃脫所穿黃馬褂覆礮上叩頭祝之再熱而礮轟敵艦毀
其檣及藥艙艦旋轉沉敵以兩艦翼之曳以去自是不敢窺登州其壁平度也曰勤訓練
德人憚其威名一夕數警除夜出六成隊南向迎神德人方食聞之投箸急跳入船公督兵為
民扞掖夜放卡十餘里城廂皆校巡密賊屏絕外戶不閉鄰近盜將發公輒知剪之民皆
依兵以安至二十四年六月公移軍青州所佔城南營園地按畝給價帶來麥苗者倍之軍民
戴德置衣繼送行者數十里

光緒二十六年庚子秋山東右衛營務處祝廷琛帥師同知州吳丙南焚城北

龍王廟殺習拳童子五十七人 先是拳教入境吳牧不禁漸有稱大師兄者在城
北十五里之龍王廟設壇招徒入壇者皆十餘歲童子

當時拘而笞之一差役事耳吳牧畏縮不前惟使人解散所謂大師兄者大言能敵百萬
堅不散壇突於八月二十九日祝營官帶隊至同吳牧四鼓圍廟廟內放礮拒守兵隊焚廟
門大師兄克而兒餘習拳童子各俯伏乞命吳祝貪功無聞良莠悉殺之首級果累
分縣三門多以赤纜束髮見者惻然而吳祝以舊敵悍賊大捷報聞吳加銜祝與各營紀
功獎叙次年祝死其營弁孟某以劫案正法而吳亦因事參革

平度州鄉土志卷四上 耆舊錄

承頒例目之四曰耆舊錄以本境之鄉賢為後學之觀感分為事業學問二部而名宦鄉賢附焉方今奉

旨勸學尚實尚武事如高致遠韻率民出於無用者宜屏也學如締章繡句玩物喪志者弗取也凡名臣名將循吏忠節皆採入事業其學問一部除名儒著述外詩文集只供吟玩者概不敢錄繪事武技世不聞出亦並附焉鄉賢略具矣名宦已入政績錄故弗及

事業

公沙穆字文又習韓詩公羊春秋尤銳思河洛推步之術舉孝廉以高弟為主事遷繒相繒侯劉敞不法苦辭諫敞遷宏農令詳見後漢書本傳

蔣欽緒擢進士遷太常博士唐中宗親郊祭酒祝欽明建言皇后宜亞獻以媚韋氏欽緒獨抗言不可仕至汴魏二州刺史餘事見唐書本傳子沆清沆為縣令郭子儀兵出其縣敕麾下曰蔣沆賢令士得疏反足矣毋撓其清也德宗出奉天沆奔行在為賊所拘誘署偽職絕食不應京師平乃出詳唐書

蔡齊字子思舉進士第一仕至參知政事謚文忠宋史有傳從子延慶初為齊後晚得子乃歸其宗藉家所有付之無一毫自

予任至禮部侍郎政績宋史

崔世榮金昭武大將軍子二潤仕元為武略將軍澍明威將軍親軍總管世祖時左丞相阿合馬專政謀不軌澍與千戶王著合謀誅之其子忽卒誣奏澍等為亂遂遇害後得阿合馬奸狀乃命暴棺戮馬屍追復澍官詳元史

王寶元世祖時平廣州征日本屢著戰功歸葬賜諭祭

呂讓洪武二十三年進士授行人兩使安南卻黃金沈檀之餽還為監察御史詳明史

官庶字汝清七歲能文中天順甲申進士任工部主事權稅監倉

賑饑俱著政績督餉薊東奏割薊倉漕粟之半起倉豐潤以贍山海永平軍食兵民便之弟賢宏治庚戌進士仕至按察司僉事以忤劉瑾歸築太泉書院教子弟著書自娛

賈毓祥字四塞萬厯庚戌進士由知縣擢御史疏請熹宗御勤政殿議政不報時魏閹專政廷臣劾之者多不報毓祥上疏曰臣堂官楊漣參東廠太監魏忠賢二十四罪且駭且疑以為肘腋之下胡以有此既而旨下不以為然已而台省兩署公疏至已而大小九卿公疏至以為聖明必有處也而旨下亦不以為然今數相復均請致政矣以臣愚論此事非難明也便而中停若過艱大何以處之皇上胡不盡

檢九卿科道單辭合辭召閣臣逐一詰問使天下知聖明無不殫不
究之事無黑白不辦之理實為國體非為忠賢也忠賢知其意謬
優詔答之既而予告歸崇正改元起左副都御史以剛忤時三月即請
致仕孔有德兵攻登萊毓祥家界山之府城與朱太守萬年議守城
即留城分守不去知平度知州杜志攀築石城毓祥倡捐居首入
國朝累徵不起卒年九十二

劉應田母夢黑虎入室而誕因小字黑虎幼仗劍謁張尚書福臻於
延綏每戰輒為軍鋒所向無前以功授遊擊將軍人

國朝率所部從平閩逆下金陵浙閩授福建參將鄭成功寇至應
田自陷陣賊圍而射之矢集如蝟猶擊殺數十百人力竭而死事聞
贈副總將軍 諭賜祭葬廕一子

何復字見元崇正七年進士由工部員外郎擢保定府知府時同
知邵宗元權府篆李自成遣兵犯畿輔復聞之兼程馳入城宗
元授以印復田公部署已定印仍佩之我相與礮力可也乃謁文廟
與諸生講見危授命章詞氣激烈講畢登城分守都城陷之次日
賊使投書誘降宗元手裂衣之明日賊大至環攻累日復與宗元
守益堅賊稍卻督師李建泰率殘卒入城賊攻益力建泰倡議約
降趨復求印復曰知府未嘗有印也即有印決不為此用奮起自